

SURUHANJAYA PENCEGAHAN RASUAH MALAYSIA (SPRM)

PENDAHULUAN

Suruhanjaya Pencegahan Rasuah Malaysia (SPRM) di tubuhkan untuk memenuhi aspirasi masyarakat Malaysia ke arah melahirkan satu jentera pentadbiran kerajaan yang berintegriti. Penubuhan Suruhanjaya ini telah diilhamkan oleh Y.A.B. Perdana Menteri Malaysia, Dato' Seri Abdullah Hj. Ahmad Badawi selaras dengan keazaman politik untuk menghapuskan rasuah di Malaysia. Pada 1 Januari 2009, Akta Suruhanjaya Pencegahan Rasuah Malaysia 2009 (Akta 694) secara rasmi telah dikuatkuasakan.

OBJEKTIF

Selaras dengan peruntukan Seksyen 2 Akta SPRM 2009, objektif utama Suruhanjaya ini ialah untuk menggalakkan integriti dan akauntabiliti pentadbiran sektor awam dan swasta; dan mendidik pihak berkuasa awam, Pegawai Awam dan masyarakat tentang rasuah dan kesan buruknya terhadap pentadbiran sektor awam, swasta dan komuniti.

FUNGSI PEGAWAI SURUHANJAYA

Selaras dengan peruntukan Seksyen 7 Akta SPRM 2009, Pegawai-Pegawai SPRM diberikan tanggungjawab untuk:

- Memenerima dan menimbangkan apa-apa aduan tentang perlakuan kesalahan di bawah akta ini dan menyiassat aduan;
- Mengesan dan menyiassat sebarang konspirasi cubaan yang disyaki untuk melakukan apa-apa kesalahan di bawah akta ini;
- Meneliti amalan sistem dan tatacara badan-badan awam untuk memudahkan penemuan kesalahan di bawah akta ini dan untuk menghasilkan kajian semula amalan, sistem atau tatacara yang mungkin membawa kepada rasuah;
- Mengarahkan, menasihati dan membantu mana-mana orang tentang cara-cara bagaimana rasuah boleh dihapuskan;
- Menasihati ketua badan-badan awam tentang apa-apa perubahan dalam amalan, sistem atau tatacara yang sesuai dengan penunaian berkesan kewajipan-kewajipan badan awam itu untuk mengurangkan kemungkinan berlaku rasuah;
- Mendidik orang ramai menentang rasuah; dan
- Mendapatkan dan memelihara sokongan orang ramai dalam memerangi rasuah.

KEBEBASAN

- Ketua Pesuruhjaya SPRM dilantik oleh Yang di Pertuan Agong.
- Ketua Pesuruhjaya memegang jawatan selama diperkenankan oleh Yang di Pertuan Agong.
- Ketua Pesuruhjaya mempunyai kuasa-kuasa Timbalan Pendakwa Raya.
- Laporan Tahunan aktiviti dan pencapaian SPRM akan dibentangkan kepada Lembaga Penasihat dan Parlimen.
- Aktiviti dan operasi SPRM akan diteliti oleh orang ramai dan akan diperhati oleh 2 panel dan Jawatankuasa Bebas.
- Salah laku pegawai-pegawai SPRM akan dilaporkan kepada Jawatankuasa Aduan.

KREDIBILITI DAN KETELUSAN

- Lembaga Penasihat Pencegahan Rasuah** – Tujuh (7) ahli dilantik di kalangan mereka yang berintegriti dan dilantik oleh Yang di Pertuan Agong untuk menasihati Suruhanjaya mengenai dasar dan strategi, meneliti dan memperakukan cadangan daripada Suruhanjaya ke arah meningkatkan kecekapan dan keberkesanan Suruhanjaya.
- Jawatankuasa Khas Mengenai Rasuah** – Tujuh (7) ahli dipilih di kalangan Ahli Dewan Negara dan Dewan Rakyat dan pelantikan oleh Yang di Pertuan Agong. Mereka dipertanggungjawabkan menasihati Perdana Menteri dalam segala aspek berhubung masalah rasuah di Malaysia; dan untuk memeriksa, memberi ulasan dan mendapatkan penjelasan dan penerangan mengenai Laporan Tahunan Suruhanjaya dan ulasan Lembaga Penasihat Pencegahan Rasuah.
- Jawatankuasa Aduan** – Lima (5) orang ahli dilantik oleh Perdana Menteri bagi memantau pengendalian oleh Suruhanjaya berhubung dengan aduan mengenai salah laku yang tidak bersifat jenayah terhadap pegawai-pegawai Suruhanjaya dan mengenai pasti apa-apa kelemahan dalam tatacara kerja Suruhanjaya yang mungkin menimbulkan aduan dan membuat apa-apa syor bagi penambahbaikan.
- Panel Penilaian Operasi** – Tujuh (7) ahli terdiri daripada individu dengan kemahiran yang tertentu, dilantik melalui perintah Pentadbiran oleh Perdana Menteri. Mereka dipertanggungjawabkan mengkaji laporan Suruhanjaya berhubung dengan Kertas Siasatan dan keputusan yang dibuat oleh Timbalan Pendakwa Raya; dan untuk menasihati dan memperakukan langkah-langkah untuk mempertingkatkan kualiti siasatan.
- Panel Perundingan dan Pencegahan Rasuah** – Tujuh (7) ahli yang terdiri daripada individu dengan pengalaman tertentu, dilantik melalui perintah pentadbiran oleh Perdana Menteri. Mereka dipertanggungjawabkan untuk menasihati Suruhanjaya dalam aktiviti pemeriksaan dan perundingan berhubung amalan, sistem atau tatacara kerja dalam perkhidmatan sektor awam dan swasta di dalam melaksanakan program-program pendidikan masyarakat dan memantau keberkesanannya.

BIDANG KUASA

Berbanding dengan akta Pencegahan Rasuah 1997, Akta SPRM 2009 memperuntukkan kuasa-kuasa tambahan dalam siasatan dan pendakwaan kepada Suruhanjaya bagi melaksanakan tugas dan tanggungjawabnya dengan lebih berkesan. Di bawah seksyen 3 Akta SPRM 2009 (interpretasi Badan awam, Pegawai Badan Awam, ejen dan saudara), seksyen 31 hingga 40 (kuasa-kuasa penyiassatan dan penurunan kuasa Timbalan Pendakwa Raya kepada pegawai-pegawai Suruhanjaya yang berpangkat Pesuruhjaya dan ke atas) telah diperluaskan; kes-kes sensitif dan yang berkepentingan awam secara bebas diputuskan oleh Timbalan Pendakwa Raya SPRM. Ketua Pesuruhjaya SPRM diberikan kuasa-kuasa Timbalan Pendakwa Raya.

STRATEGI

SPRM menggunakan strategi serampang tiga mata melalui undang-undang efektif, pencegahan dan pendidikan untuk memerangi jenayah rasuah dan kesalahan-kesalahan yang berkaitan.

Strategi Penguatkuasaan undang-undang

Menangani jenayah rasuah dan kesan-kesannya:

- Penyiassatan berdasarkan perisikan
- Kerjasama dalam perkara-perkara perundangan
- Pengantara Antarabangsa
- Teknologi terkini dan Pengkhususan

Strategi Pencegahan

Membanteras rasuah dengan menyemai integriti dan akauntabiliti dalam sektor awam dan swasta dengan cara:

- Meneliti amalan, sistem dan tatacara badan-badan awam yang terdedah kepada amalan rasuah.
- Menasihati Ketua-Ketua Badan Awam dan Swasta supaya memperbaiki sistem dan tatacara kerja dengan menutup ruang dan peluang jenayah rasuah.

Strategi Pendidikan

Mendapatkan dan memelihara sokongan orang ramai memerangi jenayah rasuah dengan cara:

- Menggunakan media massa dan komunikasi bersemuka untuk menyampaikan mesej tentang keburukan rasuah.
- Program-program perhubungan masyarakat.
- Perkongsian pintar dengan agensi-agensi kerajaan, syarikat kerajaan yang mempunyai kepentingan dan pertubuhan-pertubuhan bukan kerajaan.

KOD ETIKA

- Memastikan segala arahan dilaksanakan segera dengan penuh ketepatan dan komitmen selagi ia tidak bercanggah dengan prinsip-prinsip agama serta undang-undang dan peraturan yang diguna pakai;
- Berusaha meningkatkan lagi kecekapan, profesionalisme dan kecemerlangan diri melalui ilmu pengetahuan dan amalan secara berterusan;
- Bertindak secara amanah, tegas, bijaksana, benar, dan telus tanpa mementingkan keuntungan peribadi atau apa-apa balasan;
- Gigih dan positif menghadapi cabaran, berobjektif dan realistik;
- Mendisiplinkan diri untuk menegakkan amalan baik dan mencegah kemungkaran;
- Sentiasa bekerjasama dan meningkatkan semangat kerja berpasukan;
- Bersyukur dan berazam untuk meningkatkan kejayaan dan integriti; dan
- Memelihara kerahsiaan maklumat jabatan.

AKTA SURUHANJAYA PENCEGAHAN RASUAH MALAYSIA 2009 (AKTA 694)

TAFSIRAN

SUAPAN

- Wang, derma, alang, pinjaman, fi, hadiah, cagaran berharga, harta atau kepentingan mengenai harta, iaitu apa-apa jenis harta, sama ada alih atau tak alih, faedah kewangan, atau apa-apa manfaat seumpama itu yang lain;
- Apa-apa jawatan, kebesaran, pekerjaan, kontrak pekerjaan atau perkhidmatan, dan apa-apa perjanjian untuk memberikan pekerjaan atau memberikan perkhidmatan atas apa-apa sifat;
- Apa-apa bayaran, pelepasan, penunaian, atau penyelesaian apa-apa pinjaman, obligasi atau laibiliti lain sama ada keseluruhannya atau sebahagian daripadanya;
- Apa-apa jenis balasan berharga, apa-apa diskaun, komisen, rebat, bonus, potongan atau peratusan;
- Apa-apa perbuatan menahan diri daripada menuntut apa-apa wang atau nilai wang atau benda berharga;
- Apa-apa jenis perkhidmatan atau pertolongan lain, seperti perlindungan daripada apa-apa penalti atau ketidakpercayaan yang dikenakan atau yang dikhuatiri atau daripada apa-apa tindakan atau prosiding yang bersifat tatatertib, sivil atau jenayah sama ada atau tidak sudah dimulakan, dan termasuk penggunaan atau menahan diri daripada menggunakan apa-apa hak atau apa-apa kuasa atau kewajipan rasmi; dan
- Apa-apa tawaran, aku janji atau janji, sama ada bersyarat atau tidak bersyarat, untuk memberikan suapan mengikut pengertian mana-mana perenggan (a) hingga (f).

Urus Niaga

- 'Urus Niaga' Termasuklah –
- Apa-apa belian, jualan, pinjaman, gadaian, gadai janji, lien, sandaran, kaveat, pindah hak milik, serahan, serah hak, subrogasi, pindahan, alang, derma, amanah, peruntukan, deposit, pengambilan keluar, pemindahan antara akaun, atau pelanjutan kredit;
 - Apa-apa perwakilan atau pemberian surat kuasa wakil; dan apa-apa perbuatan yang menghasilkan apa-apa hak, kepentingan, hak milik atau keistimewaan, sama ada pada masa sekarang atau akan datang atau sama ada terletak hak atau kontinjen, dalam semua atau sebahagian daripada mana-mana harta yang diberikan kepada mana-mana orang.

Badan Awam

- Kerajaan awam
- Kerajaan sesuatu negeri
- Mana-mana Pihak Berkuasa Tempatan dan mana-mana pihak